



07-01-2026			
01	04	57021	60

Broj: 14-02-04-07114/25

Datum: 05. 01. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;

VEZA: Vaš akt, broj: 01-04-57021-5/25 od 16.12.2025. godine

Poštovani,

U skladu sa Vašim aktom, broj i datum veze, kojim ste nam dostavili zastupničku inicijativu zastupnika Selmanović Faruka koju je uputio na 27. radnoj sjednici Skupštine Kantona Sarajevo, održanoj dana 16.12.2025. godine, a koja glasi:

" Na osnovu člana 213. Poslovnika Skupštine Kantona Sarajevo, upućujem inicijativu Kantonalnoj upravi za inspekcijske poslove Kantona Sarajevo da izvrše usmjereni inspekcijski nadzor i utvrde odgovornost u vezi sa unosom i ažuriranjem ocjena u EMIS sistemu u Centru za odgoj, obrazovanje i rehabilitaciju "Vladimir Nazor", posebno imajući u vidu odredbe Zakona o osnovnom i srednjem odgoju i obrazovanju Kantona Sarajevo.", obavještavamo Vas da je Kantonalna uprava za inspekcijske poslove, putem nadležnog prosvjetnog inspektora, izvršila inspekcijski nadzor u navedenoj ustanovi.

Postupajući inspektor je, dana 24.12. i 26.12.2025. godine, u prisustvu direktora i pomoćnika direktora Centra „Vladimir Nazor“ izvršio usmjereni inspekcijski nadzor i tokom inspekcijskog nadzora izvršio uvid u elektronsku odjeljensku dokumentaciju za školsku 2025/2026 godinu koja se vodi putem elektronskog dnevnika, kao sastavnog dijela EMIS sistema, metodom uzorka, te su sagledane relevantne činjenice i okolnosti u vezi s predmetom nadzora.

Utvrđeno je da Centar „Vladimir Nazor“ obrazovno-odgojni proces realizuje po prilagođenim nastavnim planovima i programima, kroz tri nivoa obrazovanja (napredni nivo, osnovni nivo i program radnog osposobljavanja), te da nastavu pohađa ukupno 157 učenika raspoređenih u 38 odjeljenja.

Inspekcijskim nadzorom izvršenim uvidom u 38 odjeljenja, pojedinačnim uvidom za svih 157 učenika i pojedinačno za sve nastavne predmete svakog učenika, utvrđeno je da u većini odjeljenja učenici imaju propisan broj ocjena u skladu s članom 13. stav (5) Pravilnika o praćenju, vrednovanju i ocjenjivanju učenika osnovnih i srednjih škola („Službene novine Kantona

Sarajevo“, broj 24/18 i 30/20). kojim je propisano, citiramo: Kako bi bila izvedena zaključna ocjena, učenik mora biti ocjenjen sa najmanje dvije ocjene iz nastavnih predmeta u kojima se nastava realizuje u jednom času sedmično, odnosno sa najmanje tri ocjene iz nastavnih predmeta u kojima se nastava realizuje u dva ili više časova sedmično.

Međutim, u pojedinim odjeljenjima utvrđeni su slučajevi da pet učenika, na dan inspekcijskog nadzora, izvršenog 24.12.2025. godine, nisu ocjenjeni, pri čemu su razlozi za navedeno uglavnom objektivne prirode, i to:

- dugotrajno odsustvo učenika iz opravdanih zdravstvenih razloga (veliki broj opravdanih časova),
- prelazak učenika iz druge obrazovne ustanove u toku školske godine,
- specifičnosti obrazovnog rada u odjeljenjima sa učenicima s teškoćama u razvoju, uključujući individualizirani pristup i prilagođenu dinamiku ocjenjivanja.

Istog dana je utvrđeno da su u pojedinim razredima nastavnici učenicima evidentirali samo jednu ocjenu, upisanu u mjesecu oktobru 2025. godine.

S obzirom na to da školsko polugodište traje do 31.12.2025. godine, te da u momentu nadzora još nije nastupila obaveza zaključivanja ocjena, postupajući inspektor u tom trenutku nije imao zakonski osnov za izricanje mjera.

Tokom nastavka inspekcijskog nadzora, izvršenog 26.12.2026. godine, u prisustvu nastavnika koji su učenicima evidentirali po jednu ocjenu iz pojedinih nastavnih predmeta, ponovnim uvidom u elektronski dnevnik utvrđeno je da su naknadno upisane i po dvije ocjene istog dana sa ranijim datumima, a koje nisu bile evidentirane prilikom prethodnog inspekcijskog uvida. Ovakvo postupanje ukazuje na sumnju u naknadno i neautentično evidentiranje ocjena.

Obzirom da Pravilnikom o primjeni informacionog sistema EMIS u osnovnim i srednjim školama („Službene novine Kantona Sarajevo” br. 35/25) nije propisano vrijeme unošenja ocjena, postupajući inspektor je odgovorno lice u pravnom licu i odgovorne nastavnike zapisnički upozorio na obavezu kontinuiranog praćenja postignuća učenika, te blagovremenog, tačnog i vjerodostojnog unosa ocjena u EMIS sistem.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

